

BOSNA I HERCEGOVINA

Brčko distrikt BiH

SKUPŠTINA

KOMISIJA ZA IZBOR I IMENOVANJE I
MANDATNO-IMUNITETSKA KOMISIJA/
POVJERENSTVO ZA IZBOR I IMENOVANJE
I MANDATNO-IMUNITETNO
POVJERENSTVO



БОСНА И ХЕРЦЕГОВИНА

Брчко дистрикт БиХ

СКУПШТИНА

КОМИСИЈА ЗА ИЗБОР И ИМЕНОВАЊЕ И
МАНДАТНО-ИМУНИТЕТСКА КОМИСИЈА

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 13a Zakona o Javnom preduzeću „Luka Brčko“ Brčko distrikt Bosne i Hercegovine („Službeni glasnik Brčko distrikta BiH“, broj 6/18 – prečišćeni tekst i brojevi: 11/20, 44/22 i 24/24), člana 31 Poslovnika o radu Skupštine Brčko distrikta BiH („Službeni glasnik Brčko distrikta BiH“, broj 54/18 – prečišćeni tekst i brojevi: 17/20 i 24/20) i članova 8 i 12 Poslovnika o radu Komisije za izbor i imenovanje i mandatno-imunitetske komisije Skupštine Brčko distrikta BiH („Službeni glasnik Brčko distrikta BiH“ brojevi: 12/09 i 18/19), Komisija za izbor i imenovanje i mandatno-imunitetska komisija Skupštine Brčko distrikta BiH, raspisuje

KONKURS ZA IZBOR I IMENOVANJE JEDNOG ČLANA UPRAVNOG ODBORA JAVNOG PREDUZEĆA „LUKA BRČKO“ BRČKO DISTRIKT BOSNE I HERCEGOVINE

Komisija za izbor i imenovanje i mandatno-imunitetska komisija Skupštine Brčko distrikta BiH raspisuje Konkurs za izbor i imenovanje 1 (jednog) člana Upravnog odbora Javnog preduzeća „Luka Brčko“ Brčko distrikt Bosne i Hercegovine (u daljnjem tekstu: Konkurs):

Mandat izabranog člana Upravnog odbora Javnog preduzeća „Luka Brčko“ Brčko distrikt Bosne i Hercegovine (u daljnjem tekstu: Upravni odbor) traje do isteka mandata svih ostalih članova Upravnog odbora imenovanih Odlukom Skupštine Brčko distrikta BiH broj: 01-02-4335/23 od 19. 7. 2023. godine, uz mogućnost ponovnog imenovanja s tim da isto lice ne može biti imenovano više od dva puta uzastopno.

Najviše tri člana Upravnog odbora mogu biti iz reda državnih i javnih službenika zaposlenih u organima javne uprave i institucijama Distrikta.

Opći uslovi koje kandidat mora ispunjavati:

- da je državljanin BiH;
- da nije obuhvaćen odredbom člana IX stava 1 Ustava BiH;
- da je zdravstveno sposoban.

Minimalni uslovi:

- najmanje visoka stručna sprema;
- najmanje pet godina radnog iskustva.

Članovi Upravnog odbora ne mogu biti:

- direktori javnih preduzeća,

- b) lica koja su u upravnim odborima drugih javnih preduzeća,
- c) direktor drugog preduzeća koje je osnovano ili je u vlasništvu javnog preduzeća,
- d) lica koja imaju manje kvalifikacije i manje radnog iskustva od rukovodnog organa javnog preduzeća, koje biraju,
- e) lica koja su u radnom odnosu u javnom preduzeću,
- f) lica koja su pravosnažnom sudskom presudom osuđivana za vršenje krivičnih djela i lica protiv kojih se vodi krivični postupak, osim krivičnih djela iz oblasti saobraćaja.

PODNOŠENJE PRIJAVE

Uz prijavu, potrebno je da kandidat dostavi sljedeću dokumentaciju:

1. ovjerenu kopiju diplome,
2. uvjerenje/potvrdu o radnom iskustvu (original ili ovjerena kopija),
3. uvjerenje o državljanstvu (original ili ovjerena kopija, ne starije od tri mjeseca),
4. svojeručno potpisanu i od nadležnog organa ovjerenu izjavu da kandidat nije obuhvaćen odredbom člana IX stava 1 Ustava BiH (ne stariju od tri mjeseca),
5. svojeručno potpisanu i od nadležnog organa ovjerenu izjavu da kandidat nije direktor drugog javnog preduzeća, da nije u upravnim odborima drugih javnih preduzeća, da nije direktor drugog preduzeća koje je osnovano ili je u vlasništvu javnog preduzeća i da nije u radnom odnosu u Javnom preduzeću „Luka Brčko“ Brčko distrikt Bosne i Hercegovine (ne stariju od tri mjeseca).

Kandidati podnose prijavu u zatvorenoj koverti lično u zgradu Skupštine Brčko distrikta BiH u prijemnu kancelariju ili poštom na adresu: Skupština Brčko distrikta BiH – Komisija za izbor i imenovanje i mandatno-imunitetska komisija, Ulica Mladena Maglova broj 2, 76100 Brčko, s naznakom:

„PRIJAVA NA KONKURS ZA IZBOR I IMENOVANJE JEDNOG ČLANA UPRAVNOG ODBORA JAVNOG PREDUZEĆA „LUKA BRČKO“ BRČKO DISTRIKT BOSNE I HERCEGOVINE – NE OTVARAJ“.

Potpisana prijava na Konkurs podnosi se na propisanom formularu koji se može preuzeti na pisarnici Skupštine Brčko distrikta BiH kao i na internetskoj stranici Skupštine Brčko distrikta BiH (www.skupstinabd.ba).

Konkurs je otvoren 15 (petnaest) dana od dana objavljivanja na internetskoj stranici Skupštine Brčko distrikta BiH (www.skupstinabd.ba) i na internetskoj stranici Javnog preduzeća „Luka Brčko“ d.o.o. Brčko distrikt BiH (www.lukabrcko.ba). U slučaju različitog datuma objave na internetskoj stranici kao rok za podnošenje prijave računa se posljednji datum objave na internetskoj stranici.

Komisija za izbor i imenovanje i mandatno-imunitetska komisija Skupštine Brčko distrikta BiH izvršit će selekciju prijavljenih kandidata.

S kandidatima koji ispunjavaju propisane uslove bit će obavljen intervju. Mjesto i termin intervju bit će objavljeni na oglasnoj tabli Skupštine Brčko distrikta BiH i internetskoj stranici Skupštine Brčko distrikta BiH (www.skupstinabd.ba).

Nakon provedenog intervjua Komisija za izbor i imenovanje i mandatno-imunitetska komisija Skupštine Brčko distrikta BiH obavijestit će najbolje rangiranog kandidata s rang-liste da dostave uvjerenje o zdravstvenoj sposobnosti (ne starije od tri mjeseca), uvjerenje da se protiv kandidata ne vodi krivični postupak osim krivičnih djela iz oblasti saobraćaja (ne starije od tri mjeseca) i uvjerenje da kandidat nije pravosnažno osuđivan za počinjenje krivičnih djela (ne starije od tri mjeseca).

Skupština Brčko distrikta BiH imenovat će jednog člana Upravnog odbora s rang-liste kandidata koju utvrdi Komisija, u roku od 30 (trideset) dana od dana dostavljanja iste.

Odluka o imenovanju jednog člana Upravnog odbora Javnog preduzeća „Luka Brčko“ Brčko distrikt Bosne i Hercegovine bit će objavljena u Službenom glasniku Brčko distrikta Bosne i Hercegovine.

Odluka o imenovanju jednog člana Upravnog odbora je konačna i protiv nje se može pokrenuti upravni spor.

NAPOMENA

Za diplome koje su stečene u inostranstvu nakon 6. aprila 1992. godine potrebna je nostrifikacija.

Neppravovremene i nepotpune prijave neće biti razmatrane.

Broj: 01.7-48-206 /25
Brčko: 31.01.2025. godine

PREDSJEDNIK SKUPŠTINE
Damir Bučević dipl. oec.



